

# 1

# ივლიანი

ორშაბათი :  
**2024** :

რიგითი ჟამის XIII კვირა [I], მწ

*(18.VI) წმ. ღირსი მიქაელ ულუმბელი, მონაზონი, VI ს*

ამ 2,6-10.13-16; ფს 49; მთ 8,18-22

კაცის ძეს არა აქვს თავის მისაღრეკელი მთ 8,20

ერთ მწიგნობარს იესოს მიმდევრობა გადაუწყვეტია, ის კი, იმის ნაცვლად, რომ მისი განზრახვით გაიხაროს, გამოცდას უწყობს. რას ელოდები? რაიმე გამორჩენას? სარგებელი მხოლოდ სულიერი ხასიათის იქნება და არა მატერიალური. იესოს რომ გაყვე, მზად უნდა იყო ყველაფრის დასათმობად, თვით საკუთარი სიცოცხლისაც კი.

# 2

# ივლიისი

სამშაბათი :  
2024 :

რიგითი ჟამის XIII კვირა [I], მწ

ამ 3,1-8; 4,11-12; ფს 5; მთ 8,23-27

მაინც არ მოქცეულხართ ჩემკენ ამ 4,11

წინასწარმეტყველს ღმრთისაგან დაევალა  
იმ ხალხთან მკაცრი საუბარი, ვისაც სჯერა,  
რომ მისი მორჩილების გარეშეც იცხოვრებენ.  
ეს ცხოვრება კი არა, დაღუპვაა! თუ ფუჭად  
ჩაივლის ტანჯვა, რომელიც აქამდე ჩვენ თავს  
მივაყენეთ, რაღა იმოქმედოს ღმერთმა, რომ  
ჩვენში აღძრას მასთან დაბრუნების სურვი-  
ლი, რომ მოვუსმინოთ და შევიყვაროთ იგი?

# 3

# ივლიანი

ოთხშაბათი:  
**2024:**

წმ. თომას მოციქული, (დ), [ს], 6

ეფ 2,19-22; ფს 116; იო 20,24-29

ურწმუნო ნუ იქნები, მოწმუნე იყავ იო 20,27

ჩვენ უკვე ვიცით თომას ურწმუნობა და რწმენა. რწმენამდე იგი იესოს გულმოწყალების ძალით მივიდა, ვინც თავისი კეთილგანწყობით შვება მიანიჭა. მოციქულს მართლაც შეეძლო თითოთ შეხებოდა, მაგრამ რწმენა ებოძა მოულოდნელ წყალობად. რწმენის წყალობა მაშინ გვეძლევა, როდესაც თავს დავიმდაბლებთ და სხვებს ჩვენზე ქმედითად მივიჩნევთ, რამეთუ ვერწმუნებით მათი სიხარულის მოწმეობას.

# 4

# ივლისი

სუთმაჯათი:  
**2024**

რიგითი ჟამის XIII კვირა [I], მწ

(21.VI) წმ. არჩილი, საქართველოს მეფე, +744;  
წმ. ელისაბედი, პორტუგალიის დედოფალი, +1336

ამ 7,10-17; ფს 18; მთ 9,1-8

გამხნევი, შვილო, მოცუტევა შენი ცოდვები მთ 9,2

ვინ იცის, რას გრძნობდა ის დავრდომილი, როცა მას იესომ „შვილი“ უწოდა! უფლის სიყვარულმა სიცოცხლის ფესვებამდე ჩააღწია. სურს, რადაც არ უნდა დაუჯდეს, იესოს შეხედეს: ეს არის რწმენა, რომელიც ღმერთთან გვაახლოებს, რწმენა, რომელსაც პატიება მოაქვს. სწორედ ეს არის ყველაზე ჭეშმარიტი სასწაული, იმდენად დიდი, რომ ის ადამიანი განკურნების გარეშეც განაგრძობს ცხოვრებას.

# 5

# ივლიანი

პარასკევი :  
2024 :

რიგითი ჟამის XIII კვირა [I], მწ

წმ. ანტონ მარია ზაქარია, ხუცესი, ბარნაბიტა დამაარ-  
სებელი, +1539 კრემონაში (იტალია)

ამ 8,4-6.9-12; ფს 118; მთ 9,9-13

მო-მეფევი მთ 9,9

ერთი სიტყვა: „გამომეფევი!“. ბრძანებაა?  
მოწვევა? მათემ შეიგრძნო სიყვარული, ის  
სიყვარული, რამაც მთლიანად დაიპყრო მისი  
სული. და აჰა, იგი იესოს უკან დგას, ისეთი  
დიდი სიხარულით შეპყრობილი, რომ ლამის  
ქორწილივით ნადიმს აწყობს კოლეგებისა  
და მეგობრებისთვის.

# 6

# ივლისი

შახათი  
2024

რიგითი ჟამის XIII კვირა [I], მწ

წმ. მარია გორეტი, ქალწული და წამებული, +1902  
ნეტუნოში (იტალია)

ამ 9,11-15; ფს 84; მთ 9,14-17

დავაბრუნებ ჩემს ერს ტყვეობიდან ამ 9,14

წინასწარმეტყველები მხოლოდ სასჯელს არ უნდა აუწყებდნენ. ამგვარ მუქარას იმიტომ მიმართავენ, რომ არავინ შეეცადოს ღვთის ნების დაბრკოლებას, რომელიც ხალხის ხსნა და კეთილდღეობაა. ხალხში მორჩილების და რწმენად მოქცევის ნება რომ გააღვივონ, ისინი ღვთის ჭეშმარიტ სურვილს აცხადებენ: რათა იხაროს მთელმა მისმა ერმა.

# 7

ქმინა  
2024:

# ივლიანი

რიგითი XIV კვირადღე, «ბ», [II], მწ

ებეკ 2,2-5; ფს 122; 2კორ 12,7-10; მარ 6,1-6

ეს რა სიბრძნე მიეცა მას? მარ 6,2

ნაზარეველებს ესმით, რომ იესოს საუბრები სავსეა ცხოვრებით, სინათლით, სიყვარულით, ყოველივე იმით, რაც გულს ახალისებს და ავსებს: სიბრძნეს ღალადებენ მისი სიტყვები. კაცთაგან ჯერ არ სმენიათ ესოდენ მდიდარი სიტყვები. მათ უკვე შეეძლოთ იმის აღიარება, რომ ღმრთისაგან მოდიოდნენ, იმ ღმრთისაგან, ვისაც უყვარს ადამიანები.

# 8

# ივლიანი

ორშაბათი :  
**2024:**

რიგითი ჟამის XIV კვირა [II], მწ

ოს 2,16-18.21-22; ფს 144; მთ 9,18-26

გამხნეველი, ასულო, შენმა რწმენამ გისსნა შენ მთ 9,22

იგი შეშინებული იყო, რამეთუ უნებართვოდ შეეხო იესოს მოსასხამს, ისე, რომ არაფერი გაუმხელია. ღმერთმა მოიწონა მისი რწმენა, თუნდაც დაფარული; ახლა კი, ყველას წინაშე უნდა აღიაროს ეს რწმენა, რათა გაცხადდეს იესო – ღმერთის დიდება.



# 9

# ივლისი

სამშაბათი :  
2024 :

რიგითი ჟამის XIV კვირა [II], 26

წმ. ავგუსტინე ჟარონგი, ხუცესი, +1815, და მისი მეგობრები, ჩინეთში წამებულნი +1648-1930წწ.

ოს 8,4-7.11-13; ფს 113ბ; მთ 9,32-38

ვეედრეთ სამკლის უფალს,  
მოავლინოს მუშაუნი მთ 9,38

მუნჯი და ეშმაკეული კაცი, აწ დახსნილი, თავისუფლად ლაპარაკობს. როგორ თრგუნავს ხალხს ამგვარი ტანჯვა! რამხელა შრომაა გაწეული ცათა სასუფეველში! იესო ფიქრობს მომავალზე, როდესაც პირადად ველარ იმოქმედებს: რას გააკეთებენ მოწაფეები? ისინი მამის განგებას შესთხოვენ, მოავლინოს ისინი, ვისაც იესოს დარად უყვარს!

# 10

# ივლიანი

ოთხშაბათი:  
2024:

რიგითი ჟამის XIV კვირა [II], მწ

(27.VI) წმ. ღირსი გიორგი მთაწმინდელი, +1065, (მ), თ

ოს 10,1-3.7-8.12; ფს 104; მთ 10,1-7

**პირველი, სიმონი, ჰეტრედ წოდებული** მთ 10,2

თავად იესო იხმობს ცათა სასუფეველში პირველ მუშაკებს. ირჩევს თორმეტს, მათ შორის არიან იაკობის ვაჟები. წესრიგი და სიცხადე სუფევს მათში: არის ერთი, პირველწოდებული, რომელიც ყოველთვის პირველი დარჩება: მას სიმონი ჰქვია, იაკობის ძის მსგავსად, რომელიც იოსებმა მძევლად აიყვანა ეგვიპტეში. ის ურყევი იქნება, როგორც სალი კლდე, რაზეც შეიძლება შენობის აგება.

# 11

# ივლისი

სუთუაჯათი:  
2024:

წმ. ბენედიქტი, აბატი, ევროპის მფარველი  
+547 მონტე კასინოში (იტალია) დ, [ს], 0

იგ 2,1-9; ფს 33; მთ 19,27-29

რაბათში ბენედიქტელ დედათა დღესასწაული

საუკუნო-სიცოცხლეს დაიმკვიდრებს მთ 19,29

ვინც ყოველივეს დაუტევებს და თავისი ნებით გაჰყვება იესოს, ურყევ მემკვიდრეობას – მარადიულ ცხოვრებას შეიძენს. როგორი იქნება ის? დღეს ამაზე პასუხს მივღებთ წმინდა ბენედიქტესაგან. მარადიულია ცხოვრება, რომელიც ფულზე და სიმდიდრეზე არაა დამოკიდებული. მას ეს არ სჭირდება და, რომც სჭირდებოდა, სიყვარულისა და კაცთა ტანჯვისაგან გამოსახსნელად მიმართავდა. მარადიული ცხოვრება მამა ღმერთის ალერსიანი და ძლიერი გულია.

# 12

# ივლიისი

პარასკევი :  
2024 :

რიგითი ჟამის XIV კვირა [II], მწ

ოს 14,2-10; ფს 50; მთ 10,16-23

თქვენი მამის სული ილაპარაკებს თქვენში მთ 10,20

ეს განსაკუთრებული მისია დაეკისრა თორმეტს, რაც იოლად იწვევს ადამიანებში შულს. მათ ამ მისიას ისეთ სამყაროში უნდა შეასხან ხორცი, სადაც ადამიანი ადამიანისთვის მგელია. ხოლო ისინი, კრავები იქნებიან, დაუცველები. ეს მათ არ აწუხებთ, რამეთუ იესო ეუბნება: „თქვენი მამის სული“ იქნება თქვენში, რათა შეეწიოს თქვენს მოწმეობას.

# 13

# ივლისი

შახატი :  
2024 :

რიგითი ჟამის XIV კვირა [II], 85

(30.VI) წმ. დინარ დედოფალი, X ს;  
წმ. ჰენრიხი, გერმანიის იმპერატორი, +1024 ბამბერგში

ეს 6,1-8; ფს 92; მთ 10,24-33

მზაგალ ბელურაჲყე უკეთესნი სართ მთ 10,31

თუკი ბელურები ასე ძვირფასნი არიან ღმრთის თვალში – ისინი ხომ მისი ქმნილებები არიან – რაოდენ უფრო ძვირფასნი იქნებიან ისინი, ვინც ღებულობს მის კვალში სიარულისაკენ მოხმობას! მათ იციან, რომ ღმერთი მათ გვერდითაა, მათი მოკავშირეა, უყვარს ისინი და ამიტომაც, ყველა შიშს კარში ტოვებენ. აუწყებენ მიღებულ სიტყვას, სიტყვას, რომელიც სიცოცხლეს ანიჭებს მას, ვისაც ჯერ კიდევ არ გააჩნია.

# 14

# ივლისი

## ჰშირა 2024

რიგითი XV კვირადღე, «ბ», [III], 8წ

*[წმ. კამილო დე ლელოსი, ხუცესი, ჰოსპიტალიერ ბერთა, კამილიელთა ორდენის დამაარსებელი, +1614 რომში]*

ამ 7,12-15; ფს 84; ეფეს 1,3-14; მარ 6,7-13

კამილიელ მამათა და დედათა დღესასწაული,  
სნეულთა და მედმუშაკთა მფარველი

დაიწყო მათი ღატხაენა წყვილ-წყვილად მარ 6,7

იესო სამოქმედო პროგრამას აძლევს თორმეტს. იესოსათვის, ცათა სასუფევლისთვის საჭირო გარჯა, სიმდიდრის შექმნაში კი არ მდგომარეობს, არამედ ერთმანეთის მიმართ ძმურ ცხოვრებაში, უთანხმოების, ეგოიზმის გარეშე ცხოვრებაში. ასეთი გარჯა ადამიანებს ეგოიზმისა და შუღლისაგან ათავისუფლებს, მათში სიყვარულის ნებას აძლიერებს. ჭეშმარიტად ამ გზით მდიდრდება ცხოვრება! სწორედ ეს საქმე მიენდო თორმეტს.

# 15

# ივლისი

## ორშაბათი 2024

რიგითი ჟამის XV კვირა [III]

წმ. ბონავენტურა, ალბანოს ეპისკოპოსი და კარდინალი, ფრანცისკელი, ეკლესიის მოძღვარი, +1274  
ლიონში კრების დროს, (მ), თ

ეს 1,10-17; ფს 49; მთ 10,34 – 11,1

ვინც შეასმევს... ერთს ამ მცირეთაგან...  
მოწყობის სახელით... მთ 10,42

იესო გვეუბნება, რომ მას ვერ შევიყვარებთ საფრთხისა და რისკის გარეშე. და მაინც, ეს ერთადერთი გზაა სამყაროს შესაცვლელად.

იესოს მოყვარული სულ სხვა სიმაღლეზე დგას, იგი არა მხოლოდ ადამიანური, არამედ ღმრთაებრივი ცხოვრებით ცხოვრობს. თვით

ისინიც კი, ვინც არაფერი უწყობდა მასზე, თავიანთ სარგებელს იღებენ, ეზიარებიან ღმრთის მშვენიერ და ალერსიან გულს.

# 16

# ივლიისი

სამშაბათი :

რიგითი ჟამის XV კვირა [III], მწ

2024 :

(3.VII) წმ. ღ. გიორგი ღმერთშემოსილი, დაყუდებული, +1068;  
კარმელის მთის ნ. ქალწული მარიაში

ეს 7,1-9; ფს 47; მთ 11,20-24

მშვიდად იყავ და ნუ დაფრთხები ეს 7,4

წინასწარმეტყველი, მძიმე განსაცდელის წუთებში, ამხნევებს მეფეს. მტრები კარიბჭეს მოადგნენ., მაგრამ მხოლოდ მტრები როდი არიან: მას შეუძლია ღმერთთან ღმერთთან კავშირის იმედი ჰქონდეს. თუ მას დაემორჩილება, შიში არ ექნება, და თუ არად ჩათვლის, უარესს მიიღებს: „თუ არ გჯერათ, ურწმუნონი ყოფილხართ!“

მე მჯერა შენი, უფალო!



# 17

# ივლიანი

ოთხშაბათი:  
2024:

რიგითი ჟამის XV კვირა [III], მწ

ეს 10,5-7.13-16; ფს 93; მთ 11,25-27

ყოველივე მომეტა მამისაგან მთ 11,27

მამას აღარაფერი აბადია, მან ხომ ყველაფერი თავის ძეს მისცა. ამიტომაც, უნდა შევუერთდეთ ძეს, რათა ვხარობდეთ მამის სიკეთით, ვცხოვრობდეთ საღმრთო ცხოვრებით. და რას ნიშნავს „ყველაფერი“ მისცა, რასაც ახლა ძე განკარგავს? „ყველაფერი“ – ეს უანგარო სიყვარულის სისრულეა. მამას აღარაფერი აბადია გასაცემი!

# 18

# ივლისი

სუთუბათი:  
2024:

რიგითი ჟამის XV კვირა [III], მწ

ეს 26,7-9.12.16-19; ფს 101; მთ 11,28-30

მოდით ჩემთან მთ 11,28

რა დიდსულოვანი მოწვევაა! იესომ კარგად უწყის, რარიგ დამაშვრალნი და ჩაგრულნი, დაუძღურებულნი და დათრგუნულნი ვართ ჩვენი და ამქვეყნიური ცოდვებით. ამიტომ გვიხმობს თავისთან. ჩვენით როდი შეწუხდება, პირიქით, თავისი სინაზით და გულმოწყალებით, ჩვენს ცხოვრებას შეცვლის. გმადლობ, იესო!

# 19

# ივლისი

პარასკევი :  
2024 :

რიგითი ჟამის XV კვირა [III], მწ

ეს 38,1-6.21-22.7-8; საგ.: ეს 38,10.11.12.16; მთ 12,1-8

კაცის ჰეა შაბათის უფალი მთ 12,8

თუკი უფალი „შაბათის მბრძანებელია“, მაშ, თავის ნებაზე შეუძლია განკარგოს ეს დღე და განკარგავს კიდევ სადიდებლად ღმერთისა, ვინც უბოძა შაბათი იმ დღედ, როდესაც ადამიანმა უნდა შეძლოს დასვენება მძიმე ჯაფიდან და სავსე ცხოვრებიდან. საჭმლის მომზადება ჯაფა როდია, ეს სიხარულია, რითაც შეგვიძლია ღმერთი ვაკურთხოთ!  
იესო, შენ იყავ უფალი მთელი ჩემი დროისა!

# 20

# ივლისი

შახატი  
2024

რიგითი ჟამის XV კვირა [III], მწ

წმ. აპოლინარიუსი, რავენის ეპისკოპოსი და წამებული, III.

მიქ 2,1-5; ფს 96; მთ 12,14-21

ჩემს სულის დავდებ მასზე მთ 12,18

მიქა წინასწარმეტყველის სიტყვას აცხადებს იესო თავისი ქმედებით. წინასწარმეტყველი სწორედ მასზე ლაპარაკობს. იგია, ვინც ყველას კურნავს და ამით არ იქადის. თავმდაბლობით ცხოვრობს, დაფარულში, ზუსტად ისე, როგორც წინასწარმეტყველი ამბობს. მასში არ აღიძვრის სხვა სული, გარდა მშვიდობისა და სიყვარულის ღმერთის მამობრივი მოწყალებისა.

# 21

# ივლისი

კვირა  
2024

რიგითი XVI კვირადღე, «ბ», [IV], მწ

[წმ. ლავრენტი ბრინდღელი, ხუცესი, ფრანცისკელი, ეკლესიის მოძღვარი, +1619 ლისაბონში]

იერ 23,1-6; ფს 22; ეფეს 2,13-18; მარ 6,30-34

კამილიელი მ. პავლე შჩეპანეკის გახსენება (+1999)

წამო-ღით უღაბურ აღვილას მარ 6,31

იესო, შენ უწყი, რომ ნამდვილი ძალთა აღ-  
მდგენელი მოსვენება, შენთან გატარებული  
დროა. შენთან მთელი არსებით ყოფნა ძალე-  
ბს აღგვიდგენს, რათა სიყვარულში დავრჩეთ.  
ვიღებ შენს მოწვევას და მოვდივარ. შენგან  
მუდმივად გამოდის სინათლე და ძალა, რო-  
მელიც ყოველივე განაახლებს.

# 22

ორშაბათი :  
2024 :

# ივლისი

წმ. მარიამ მაგდალელი,  
უფლის მოწაფე დ, [ს], თ

ქებ 3,1-4 ან, 2კორ 5,14-17; ფს 62; იო 20,1-2.11-18

დ. ნოელ ლოკატელის გახსენება (+2019)

ჟოთხრა იესო-მ: „მარია“ იო 20,16

მარიამ მაგდალინელს თვალები  
ცრემლებით დანამოდა და ხელში  
ნელსაცხებელი ეჭირა, როცა შენმა ხმამ,  
მისი სახელის წარმოთქმით, შეაფხიბლა.

აწ იგი გხედავს, იესო, და გცნობს.

მეც მონაწილე ვარ მისი სიხარულის, ვინც  
დედამიწაზე პირველი აუწყებს, რომ შენ აღ-  
სდექი და საუკუნოდ ცოცხლობ.

# 23

# ივლისი

## სამშაბათი : 2024 :

წმ. ბრიგიდა შვედი, ევროპის მფარველი,  
ოჯახის დედა, შემდგომ მონაზონი,  
+1373 რომში [ს], 01

ტობ 8,4ბ-7(ვულ 5-10) ან, გალ 2,19-20; ფს 33; იო 15,1-8 ან, მარ 3,31-35

### შე ვარ ვაზი ჭეშმარიტი იო 15,1

წმინდა ბრიგიტა, ისევე როგორც წმინდა კატერინა, მისი თანამედროვე, იმავე ვაზის ლერწამია. ენით, მამულთ, გამოცდილებით განსხვავებული ლერწამი, მაგრამ ერთსა და იმავე ნაყოფს იძლევა, რაც კაცობრიობის სიხარულს კვებავს. იესოსთან მყოფი, თავის სიცოცხლეს უძღვნის მოყვასებს! ამიტომაც არის იგი ევროპის მფარველი: მძიმე მისია, რომელიც უხვ ნაყოფს გამოიღებს!

# 24

# ივლისი

ოთხშაბათი:  
2024:

რიგითი ჟამის XVI კვირა [IV], მწ

*წმ. სარბელიუს მახლუფი, ხუცესი, ბერი ლიბანში +1898*

იერ 1,1.4-10; ფს 70; მთ 13,1-9

კამილიელი მ. ნინო (ჯანჭიროლამო) მარტინის  
გახსენება (+2017)

გამოვიდა მოქსაფი თესვად მთ 13,3

იესო, ვინ იცის სად ვარდება შენი სიტყვა, თუნდაც მაშინ, როცა წარმოვთქვამ ან ვწერ! ყველა როდი გამოიღებს ნაყოფს, ყველა როდი გამოკვებს ადამიანებს. მაგრამ, თუკი მის თესვას შეწყვეტთ, სადლა გაიხარებს? იესო, შენი სიხარული შემეწევა, რომ შემართებით გავაგრძელო შენი სიტყვის თესვა, რამეთუ მეოთხედი მაინც ხომ მოხვდება ნოყიერ ნიადაგში.



# 25

# ივლისი

ხუთშაბათი:  
**2024**

წმ. იაკობ მოციქული, დ, [ს], წ;

*(12.VII) ღირსნი იოანე და გაბრიელ ათონელნი, X ს.*

2 კორ 4,7-15; ფს 125; მთ 20,20-28

## ჩემს ბარძიშს შესვამთ მთ 20,23

იესოს ეს დაპირება განხორციელდა. იაკობმა შესვა ვნების თასი, მოციქულებთან ერთად ციხეში ყოფნის დროსაც და შემდეგ მარტოც, როცა თავი მოჰკვეთეს.

მეც შევსვა შენი თასი, იესო? როგორ? მე მაშინ შევსვამ, როცა სიცოცხლის ბოლო წუთებში შენს ხელებს ჩავბარდები, ამჟამადაც, როცა შენ გაბარებ ჩემთვის ძვირფას ნივთებსა და ძალას.

# 26

# ივლიისი

პარასკევი :  
2024 :

რიგითი ჟამის XVI კვირა [IV]

წმ. იოაკიმე და წმ. ანა, მშობელნი ნ. ქ. მარიამისა, (მ), თ

იერ 3,14-17; საგ.: იერ 31,10-13; მთ 13,18-23

მოგცემთ თქვენ ჩემს მოსაწონ მწყემსებს იერ 3,15

ვიდრე იესო გვიხსნის იგავს თესლის  
შესახებ, რომელიც ყველგან ვარდება,  
წინასწარმეტყველი იერემია მანუგეშებელ  
აღთქმას გვიტოვებს. კაცთაგან დიდი იმედი  
არ უნდა გვქონდეს, ხოლო ღმერთი არ  
დატოვებს თავის ხალხს, არ მიატოვებს  
თავის ეკლესიას. მისმიერი თვინიერი  
გულის მწყემსები გვეყოლება! მეყოფა  
თავმდაბლობა, რომ გავყვე მათ და მათ  
მფარველობაში დავრჩე, რათა დანარჩენ  
ცხვრებთან ერთად იბრუნონ ჩემზე?

# 27

# ივლისი

შაბათი  
2024

რიგითი ჟამის XVI კვირა [IV], მწ

იერ 7,1-11; ფს 83; მთ 13,24-30

ისმინეთ უფლის სიტყვა, იუდას მკვიდრნო იერ 7,2

რამდენჯერ გვსმენია ეს მოწვევა: ისმინეთ! ღმერთი ლაპარაკობს, რამეთუ სურს, მასთან ურთიერთობაში ვიყოთ; მის სიყვარულში ჩაძირულები ვხარობდეთ მასთან ზიარებით. მოსმენა ჩვენთვის მნიშვნელოვანია. თავად იესოა სიტყვა, ანუ მამის სარწმუნო და სიბრძნით სავსე სიტყვა. მოსმენა პირველი და ნამდვილი სიყვარულია, რითაც ჩვენ ვპასუხობთ მას, რასაც მისგან ვიღებთ.

# 28

# ივლიისი

ქმინა  
2024

რიგითი XVII კვირადღე, «ბ», [1], მწ

[[15.VII] წმმ. ივლიტა და კვირიკე, წამ. (+≈305)]

4მეფ 4,42-44; ფს 114; ეფეს 4,1-6; იო 6,1-15

დასხით ისინი იო 6,10

იესო პასუხობს მოწაფეებს, რომლებიც შეშფოთებულნი არიან შექმნილი ვითარებით. მოძღვრის სიტყვით მაძლარი ხალხის ბრბო, ახლა დაპურებას ელის. პური კი იმდენად ცოტა აქვთ, რომ ვერ გაუმხელიათ. იესოს ეს დიდად არ აწუხებს. მან იცის, რომ მამა ყოველივეს ხედავს. იგი ემორჩილება მის სიყვარულს და მორჩილებას ითხოვს მოწაფეებისა და ბრბოსაგან. მოწაფეები დასხდომისკენ მოუწოდებენ ბრბოს და ისინიც ემორჩილებიან: პურს ის მიიღებს, ვინც დასხდება!

# 29

# ივლისი

## ორშაბათი : 2024 :

რიგითი ჟამის XVII კვირა [1]

წმ. მართა, მარიამი და ლაზარე, უფლის მოწაფენი. (მ), თ

იერ 13,1-11; საგ.: რჯლ32; იო 11,19-27 ან ლკ 10,38-42

### მე ვარ აღდგომა და სიცოცხლე იო 11,25

ლაზარეს საფლავის წინ მდგომი იესო, თავის ვინაობას აცხადებს. აქამდე მას იცნობდნენ როგორც ორი დის და გარდაცვლილის მეგობარს, მაგრამ ახლა ყველა იგებს გასაოცარ, გამოგნებელ, თვით გაუგებარ ჭეშმარიტებას. იგი ჩვენთვის ის სიცოცხლეა, რომელიც ამ წუთისოფელზე აგვამალლებს, რომელიც გვამყოფებს „მასში“, მაგრამ არა გვაქცევს მის კუთვნილებად. მისით უნდა ვიკვებოთ, ეს რომ გავიგოთ, უფრო მეტიც, საიდუმლო რომ შევიცნოთ.

# 30 ივლისი

სამშაბათი :  
2024 :

რიგითი ჟამის XVII კვირა [I], მწ

წმ. პეტრე ქრიზოლოგი, რავენის ეპისკოპოსი, ეკლესიის მოძღვარი, +≈451

იერ 14,17-22; ფს 78; მთ 13,36-43

როგორც აგროვებენ სარეველას  
და წვავენ ცოცხლში, ასევე... მთ 13,40

მარტივი იგავიანადა აღწერს ვითარებას, რა-  
შიც ხშირად აღმოვჩენილვართ. გვაქვს იმის  
წყალობა, რომ კარგ ხორბალს შევედაროთ,  
თუმცა ხშირად გარემოცულნი ვართ მათი  
არსებობით, ვინც ხელს გვიშლის სასუფე-  
ვლისთვის ნაყოფის გამოღებაში. მდაბალი  
და ქველი გულით ველოდებით მოსავლის  
აღებას. და მაშინ, ჩვენც, განწმენდილნი,  
ღვთის შვილებად გავბრწყინდებით.

# 31

# ივლისი

ოთხშაბათი:  
2024:

რიგითი ჟამის XVII კვირა [I]

წმ. ეგნატე ლოიოლა, ხუცესი, იეზუიტთა დამაარსებელი, +1556 რომში, (მ), თ

იერ 15,10.16-21; ფს 58; მთ 13,44-46

შენთან ვიქნები შენს დასახსნელად იერ 15,20

ღმერთი ანუგეშებს წინასწარმეტყველს, არ მიატოვებს ბოროტთა ხელში, მის დაღუპვას რომ ლამობენ. ეს არის წინასწარმეტყველება იესოს სიკვდილზე და აღდგომაზე, რომლის მოსვლასაც ყველა წინასწარმეტყველი აუწყებს. იგი დაფარულში რჩება, როგორც განძი უსარგებლო მინდორში. განძის აღმომჩენი, ისევე როგორც მაძიებელი და მარგალიტის მპოვნელი, ყიდის რაც კი რამ აბადია: ის ფასდაუდებელია, ვერაფერი მას ვერ მიედრება!